

سنه لکی در سعادت ایچون مجیده
بکرمی غروش حسابیله التمش
غروشدر

طشره ایچون بوسته اجرتی اوله رق
اون بش غروش ضم اولتور

نسخه سی ٤٠ پاره در

قانون مجازات

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیده اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

تعیین و تحویل

لوشنه واسقراپار قضاری بدایت محاکمی
اعضاسندن حسن واحد مختار افندیلرک بجایش
مأموریتلری اجرا قلمش ومومی الیها ذاتاً محاف
بولنشددر.

تبلیغات

عدلیه نظارت مبلر سنده ولایات شاهانه استیناف
مدعی عمومی لکترینه نظیر قلمانه تحریرات عمومی
صورتیدر:

خطابت ومدرسلاک ومؤذنلاک وزاویه دارلق اله
جهات سائرته نک توجیهی حقنده کی مضابطک
تفرعاتندن اوله رق محاکم شرعیه جه تنظیم اولسان
اعلامات ووقفیه وطلب واقع اوزرینه اصحاب جهاتک
عسکرلکجه ایلدیشکی اولمادیغنی مشعر ردیف ضابطانی
طرفندن تنظیم اولسان شهادتنامه قلقلی مضبطه لر
ونفوس پوصله لر ولزومنه بناء طلب اولسان برات
عالی وسائرته صورتلرینک تمغا رسمندن مستثنی
طوتیلوب طوتلیه جنی حقنده استفساری حاوی
اوقاف هایون نظارت جلیله سندن مبعوث تذاکر
اوزرینه تمغا رسمی تدقیق قومیسینندن اعطا اولان
مضبطه ده تمغا رسمی قانونک یکرمی یدتجی ماده سنک
١٣ نومرولی فقره سی موجبجه توجیه واتخاب
مضبطه لر تمغاسمندن معفو بولمغله جهات مذکوره
ایچون انتخاب وتوجیهه دائر هیأت رسمیه دن یاخود
محاکم شرعیه دن تنظیم قلمان مضبطه واعلامات تمغا
رسمندن معفو اولوب مضابط واعلامات مذکوره به
دوائر رسمیه جه کوریلان لزوم اوزرینه ودوائر
مذکوره بیننده جریان ایدن مخبرات نتیجه سنده اخذ
وربط ایدیلان برات عالی ووقفیه واوراق سائرته
صورتلرینک دخی بول رسمندن معفویتی طبعی اوله رق
انجیق جهات ووظائف مذکوره نک توجیهی

استدعاسنده بولنانلر طرفندن طوغریدن طوغری به
ترویج استدعایه خدمت ایتک اوزره تنظیم واعطا
قلمان اوراق مذکوره دن مکلفیتی تمغاقانوننده مصرح
اولانلری رسوم معینه سنه وکرک مکلفیت کرک معفویتی
مصرح اولمیانلرک اونجی ماده ایجابجه برر غروشلق
مقطوع ابراز پولنه تابع اولمسی اقتضا ایده چکی
اولبابده کی تذکره سامیه به واصحاب مصالح طرفندن
وانع اولان مراجعت اوزرینه شورای دولت وعدلیه
محاکمندن افراده ویریلان اعلام ویا تبلیغ علم وخبری
واوراق مائله نک حین تودیعه ده افراد طرفندن محاکم
ودوائر مذکوره نک دفاتر رسمیه سی اوزرینه اوراق
مبعوثه نک قبضنی متضمن یازیلان وامضا وتختیم
ایدیلان شرحلر تمغاقانوننک برنجی ماده سنک فقره
اخیره سی وطقوزنجی ماده قانونیه نک ٨٥ نومروسی
موجبجه یکرمی پاره لق رسم مقطوعه تابع اولدینی
حالده پولسز اوله رق اخذ وقبول ایدلمکده اولدینی
تحقیق قلمش ومغایر قانون اولان شو معامله نک
دوامی ضیاع وارداتی موجب اولمق اعتباریه غیرجائر
کورلمش اولدیفندن ذکر اولان مقبوضله بر موجب
حکم قانون پول الصاق ایتدیرلمسی جانب اداره دن
واقع اولان التماسه بناء دیون عمومیه قومیسرلکندن
کوندریلان تذکره به عطفاً مالیه نظارت جلیله سندن
باتذاکر بیلدیرلمش اولمغله لازم کلنله تبلیغ کیفیت
ایدلمک اوزره اشبو تحریراتک نسخ مطبوعه کافیه سی
لفاً ارسال اولدینی بیانیله ومحاسبه افاده سیله شقه
ترقیم قلندی.

الوانی تبدیل ایتدیرلمک صورتیه بوکره طبع
ایتدیرلمش اولان رسوم عدلیه پولارندن لزومی
مقداری ولایات شاهانه دفتردارلقلری ایله الویه
محاسبه جیلککرینه محاسبه نظارت معرفتیه ارسال
اولندی ولایت محاکم ودوائر عدلیه سنده عینی کونده
صرفته بدأ اولنق اوزره مرکز وماحققاته توزیعی
مقرر اولان اشبو پولارندن لزومی قدرینک علی الاصول
سند مخصوصه مال مأمورلری طرفندن اخذ اوله رق

مرکز ولایتده دفتردار والویه ده محاسبه جیلر طرفندن
تعیین واشعار اولنه حق کونده صرفته بدأ ومباشرت
اولنسی وعتیق پولارندن محاکم ودوائر عدلیه ده غیراز
صرف نه مقدار پول قلمش ایسه درحال مال مأمورلرینه
اعاده سیله آلردن آلنه حق مقبوض علم وخبرلرینک
عتیق پولره مخصوص اوله رق برقاعده شهریه پول
صرفیات جدوللریله برابر نظارت محاسبه سنه ارسالی
ویکی پولرله عتیق پولر حسابک یکدیگرینه
قاریشدرلمسی جائز اوله مایه جنی جهته پول جدوللرینک
آیری آیری تنظیمنه بغایت دقت واعتنا اولنسی وبرده
یکی پوللرک استعمالنه باشلانلینی دقیقه دن اعتباراً
عتیق پوللرک صرفی قطعاً ممنوع اولدیغنه مبنی
بوپوللری استعمال ایدنلر کوردلیکی حالده مسئولیت
الته آلنه جقلری مقرر ایدوکنندن اکا کوره حرکت
اولنسی وشمیدی به قدر محاکم ومقاولات محررلکی وسائر
دوائر عدلیه ایچون مال مأمورلرندن آلمان پوللرک
مقداریله بدللرینک صورت محسوبی ناطق ایکیشر
نسخه دن عبارت اوله رق قطع حساب پوصله لر
تنظیم وبرقعه سنک نظارته ارسالیله برابر برقعه سنک ده
مال مأمورلرینه سرعت اعطاسی محاسبه دن افاده اولمغله
بروجه محرر ایفای معامله به بغایت دقت واعتنا اولنسی
سیاقنده شقه ترقیم قلندی.

محاکمات مقیمه

معموره العزیز ولایتی استیناف محکمه سی
مدعی عمومی سابق ضیا افندیلک اوراق انفصالیه
ومدافعه نامه سی انجمن انتخاب مأمورین عدلیه جه
لدی التدقیق جواز استخدامنه قرار ویرلشددر.

محکمه تمیز حقوق دائر سندن تنظیم واعطا

اولنان اعلامدر:

ازمیرده عربیان چارشوسنده مقیم تجارندن
استاسو یورغالا ایله ازمیرده ساکن تجارندن یوصف

محكمة تمیز استدعا دأثره سندن تنظیم واعطا اولتان اعلامدر :

خداوندگار ولایتی هیئت اتهامیه سیله کلیک قضای بدایت محکمه سی جزا دأثره سندن صادر اولان قرارلرک بکریکریه مبیئتندن ناشی تعیین مرجع دعوی طلبی متضمن ولایت مذکوره استیناف محکمه سی مدعی عمومیلکنک ۲۹ ایلول سنه ۳۲۳ تاریخی تخریراتیله ارسال اولتان اوراق باش مدعی عمومیک مأموریت بهیه سنک ۳ تشرین ثانی سنه ۳۲۳ تاریخی تبلیغنامه سی ایله محکمه تمیز استدعا دأثره سنه تودیع اولغله قرائت ومطالعه اولندی .

مذکور تبلیغنامه حاجی اوغلی احمدی جرح ایتدیکی ادعا قتلان اوسطه اوغلی ابراهیمک جنایتله لزوم محاکمه سنه دأثره مستنطق طرفندن تنظیم واعطا قتلان قرارنامه نک هیئت اتهامیه جه بالفسخ جنجه ایله لزوم محاکمه سنه دأثره ویریلان مضطبه اوزرینه محکمه مذکوره جه اجرا قتلان محاکمه سی اناسنده فعل مذکور جنایت نوعندن کوریلرک اوراق دعوانک مدعی عمومی معاونلکنه اعاده سنه قرار ورلش اولسندن ناشی محکمه مذکوره ایله هیئت اتهامیه مقرراتی بینه حاصل اولان اختلافک قرار محکمه دأثره سنه تعیین مرجع رؤیتی لزومی کوسترلشدر .

ایجابی لدی المذاکره اوراق متعلقه مندرجاتندن منضم اولدینی اوزره هیئت اتهامیه جه جنجه درجه سندن کوریلرک اولوجهله محکمه عاده سنه سوق اولتان دعوانک عندالحاکمه جنایت نوعندن ایدوکی اکلاشلیمی اوزرینه اصول محاکمات جزائی قانونسک یوزتمش یدنجی ماده سی حکمه توفیقاً مظنون حقدده درحال توقیف مذکورمه اعطاسیله برابر اوراقنک مستنطقلکه تودیبی واولیاده ویریلرک قرارنامه ایله تکرار هیئت اتهامیه تودیع کیفیت اولهرق اوراجه فعلک یه جنجه درجه سنده اولدیغه قرار ورلدیکی صورتده یکدیگره تعارض ایدن مقررات مذکورمه نک فصلی ضمننده اولوقت تعیین مرجع طریقته بلراجعه اوراقنک محکمه تمیزه ارسالی مقتضی اولسنه نظراً محکمه قرارندن سوکره شوتعرفات دأثره سنده معامله یه اقران ایتامش اولان مسئله حاضر حقدده تعیین مرجع صورتیه شمیدین تدقیقات تمیزه اجراسنه محل کوریلرک مامش اولدیغندن مدعی عمومیک بویاده کی طلبنک ردیه اوراق مذکورمه نک بوجه محرر معاملات متاقبه سی جریان ایتدیرلک اوزره محله اعاده سنه ۱۵ کانون اول سنه ۳۲۳ تاریخده متفقاً قرارورلدی .

اوغلی خرملوبیننده متکون دعوا یه دأثره مزیر بدایت محکمه سندن ۲۶ حزران سنه ۳۲۳ تاریخی ویکری سکر عددی ایله ویریلان اعلام استاسو طرفندن تمیز اولغله اعلام مذکور بالکنز مستعدینک اعتراض لایحه سیله بالمطالعه تدقیقات تمیزه اجراسنه ابتدار قلندی .

اعلام مذکورک خلاصه مالی مزبور خرملوبوسک ازبیره متصرف اولدینی معلوم الحدود عرصه و دکرمان محله ریه مرقوم استاسو ورفیق استراتی فضولی مداخله ومقدما انشا ایتدیکی دیوارک اوزرینه ابنه انشا ایتکده اولدیلرندن مداخله واقعهرینک منعیله تجاوز ایدلکری محاک استردادنی طلب ودعوی ایلیسی اوزرینه جریان ایدن محاکمه وکشف و تدقیقات نتیجه سنده منازع فیه محل اراضی موقوفه دن اولهرق مدعی خرملوبوسک مالی اولدینی مزبور سند خاقانی مندرجاتی ومدعی علممانک اقرار واعتراقلرنده اولان مکتوب مآلیله تحقق ایتسنه ومحل مذکورک اوقافدن اولق حبسیله املا ایدنامسندن ناشی مدعینک حق تصرفی ساقط اولهمیه جغه بنشاء محله نک طقوز یوز التنجی ماده سی حکمه توفیقاً مدعی علملرک محل مذکور و قوعبولان مداخله لرینک منعی وطرفلرندن برای املا آتیلان طاشلرک قلع ورفی ایله مدعی به تسلیمنه حکمدن ومستدعی تمیز استاسونک اشو حکم علینده لایحه سنده محرر اعتراضاتک خلاصه سی منازع فیه محاکم کندوسی طرفندن املا ایدلش اولدینی اکلاشلدینی ووقیتی دخی ثابت اولدینی حالده اثنای محاکمه مدعینک حاضر بولندیرلما سی ومنازع فیه محل ایچون اوقاف اداره سیله محاکمه جریان ایتکده اولوب بونک نتیجه سنه انتظار اولمامسی بولسزومغایر قانون اولدیغندن بجله اعلامک تقضی استدعا سندن عبارت بولمشدر .

ایجابی مذاکره اولندقدده اعلام مذکور مآلندن منضم اولدینی اوزره منازع فیه محل اجاریتلو اوقافدن اولدیغندن اراضی قانوننامه همایوننک یوزاوتوزایکنجی ماده سی موجبجه متولی ووقف اثنای محاکمه ده حاضر بولندیرلسی لازم کلورایکن بولندیرلما سی بولسزومغایر قانون اولدیغندن اصول محاکمه حقوقیه قانوننک ایک یوزاوتوزایکنجی ماده سی موجبجه اعلام مذکورک قضیه قانون مذکورک ایک یوزقرق دردنجی ماده سنک فقره ثانی سی حکمه توفیقاً کیفیتک صورت محرره دأثره سندن بالرؤیه اعلامه ربطی ضمننده محکمه مذکورمه اعاده سنه ۱۹ مارت سنه ۳۲۴ تاریخده متفقاً قرار ویدلدی .

مغایر نظام اولهرق خانه سنده باروت اعمال ایلدینی ادعا اولمسندن دولای جنایتله اتهام اولتان سلیمان بن علینک اوچ سنه مدته کورکه قوتلسنه دأثره حلب ولایتی استیناف محکمه سی جزا دأثره سندن ویریلان ۳۲۷ نومرولی اعلام

قوزانه قضا سنک چو بانلی قریه سی اهالی سندن سلیمانک کیفیت قتلندن دولای جنایتله اتهام اولتان شاهین بن عمرک اون بش سنه مدته کورکه قوتلسنه دأثره سرفیچه سنجانی بدایت محکمه سی جزا دأثره سندن ویریلان ۳۷ نومرولی اعلام

حاجی خلیل اوغلی علی قتل قصدیه جرح ایلدیکی ادعا اولمسندن دولای جنایتله اتهام اولتان حیدرک اوچ سنه مدته کورکه قوتلسنه دأثره اماسیه سنجانی بدایت محکمه سی جزا دأثره سندن ویریلان ۵ نومرولی اعلام محکمه تمیز جزا دأثره سنجه تصدیق قلمشدر .

در سعادت جنایت محکمه سندن تنظیم واعطا قتلان اعلامدر :

اوچ یوز یکری اوچ سنه سی کانون اولنک بشنجی کیجه سی غلطه کائن بروسه اولتنده بالهور رفیق لوحی بی جرح و قتل ایلدیکی ادعاسیله مظنون علیه اولان چوبان اوتوز اتی ناشنده یانبوللی غوسپودین پترو ولد پترو نک جنایتله اتهامه دأثره هیئت اتهامیه دن تنظیم قتلان مضطبه واستیناف مدعی عمومیلکنک ۲۳ شباط سنه ۳۲۳ تاریخ و ۱۰۵۱ نومرولی اتهامنامه سی مع اوراق متفرعه محکمه جنایت تودیع ایدلکه بالمطالعه تفصیلاتی اولیاده تنظیم ایدلش اولان ضبطنامه دن مستبان اوله جنی اوزره اصول محاکمات جزائی قانوننک باب ثانی سنک فصل رابعنده محرر اولان معاملات ابتدائی بعد الا یفا متهم غوسپودین پترو نک اجرای محاکمه سی ایچون ۳۲۴ سنه سی نپساننک اون ایکنجی جمعی برتسی کونی تعیین قلندی .

یوم مذکورده متهم مرقوم علی الاصول توقیفخانه دن کنوردیلرک ومدافعه وکیل مغردیج افندی ایله استیناف مدعی عمومیلکی معاونلرندن عزتلو بهجت بک حاضر اولدقلری حالده محاکمه سالونه جیقیلهرق محاکمه علیه اجراسنه مباشر ومتم مرقومک لسان ترکی به لایقیه آشنا اولمادیغنی سولسی ایلدن طوغری ترجمانلق ایدوب سوزی بوزیمه جغه دأثر مع القسم لسان ترجمانی تعیین قتلان وآیا صوفیده کائن بردکانده اشکبه جیلک ایتدیکی سولیلان اوتوز ایکی ناشنده کسریلی علکسی ولد

کیجه سی ساعت سکر قرارلرنده غلطه کائن بروسه میخالیج اولتنده مقیم بولندقلری اوطه ده غوسپودین پترو نام شخصک رفیق لوحی بی جرح و قتل ایلدیکی استخبار اولغنی اوزرینه اجرا قتلان تحقیقاتده مرقومانک در سعاده کنورمش اولدقلری قره صغرلری صاتیق ایچون مذکور اولتده ۱۴ نومرولی اوطه ده اقامت ایتکده لر ایکن لیسله مذکورده آره لرنده کی حساب ماده سندن طولانی تحدیث ایدن منازعه نتیجه سنده مرقومانن غوسپودین پترو نک لوحی بی بیخافه جرح و قتل ایلدیکنک اکلاشلدینی وقائل مرقومک واقع اولان استجوابنده نقد موجودینی آلق اوزره کندوسنه هجوم ایدن مرقوم لوحی بی جرح ایلدیکنی مأمورین مواجهه سنده اعتراف ایلدیکی مثلاً مجروح مرقومک دخی جارحک مرقوم غوسپودین اولدیغنی یارمغیه اشارت ایتدیکی ومقتل اولان اوطه نک حین تحریرسند آلت قتل اولان بیجاغک دملی اولدیغنی حالده بولندیغنی اشعار وبرنجی راپورده مرقوم لوحچینک اوچ قاریوله لی براوطه دروننده صبری قاریوله نک برینه یاصلامش وصاغ قوی یره وصول قوی دیگر قاریوله به استاد ایش و آقارلی چپلاق وباشی آچیق ونیم صوله متوجه و اوطورمش برحاله کوریلرک البسه سی بعد الاخراج کشف ومعاینه سنه ابتدار اولندقدده اوتوز بش یاشنده متوسط القامه والبنیه برشخص اولوب برآلت قاطعه ایله حاصل عتقنک صول جهت ناحیه تر قوی سی نهایت انسیه سی اوزرنده وینه صدرینک صاغ ناحیه شیه سنک حلمه سنک التی سانیتمترو فوقده منحرف الشکل وایکی بیجی سانیتمترو طولنده دیگر برعدد جرح مشاهد و انوب جرح مذکورک قدامدن خلفه واعلادن اسفله وجزی ایتندن ایسره سیر ایله جوف صدره نافذ اولدینی وینه برآلت قاطعه ایله حاصل صدرینک ناحیه قصیه سنک حافه ایتی السیسنده و اوچنجی و دردنجی مسافه بین الاضلاعیه سی اوزرنده ایک سانیتمترو طولنده طولانی دیگر برعدد جرح کوریلوب جرح افک دخی قدامدن خلفه سیر ایله جوف صدره نافذ ایدوکی وینه جرح مذکورک التنده و دردنجی اضلاعی اوزرنده عین طول وشکلده عمقی اضلاع قدر دیگر برعدد جرح وینه برآلت قاطعه ایله حصوله کلش صول ناحیه ابطیه سی قدامی التنده و اوچ سانیتمترو طولنده طولانی دیگر برعدد جرح مشاهده و انوب اشو جرحک ده صولدن صاغه واعلادن اسفله سیر ایله جوف صدره کیردیکی وینه عین آلتله حاصل صول ناحیه جنبیه سی ویدنجی مسافه بین الاضلاعیه سی

اتهامنامه نک خلاصه سی جانب ریاستندن لسان ترجمانی واسطه سیله متهم مرقومه تفهیم وتوضیح ومعاون مومی الیه طرفندن دخی دعوانک تشریح اولغنی معقب عند المجاوبه لوحی بی کندوسی جرح و قتل ایتدیکی ووقعه کیجه سی اوطه ده یا تمقده لر ایکن ورود ایدن ایکی شخص مجهولدن بریسنک کندی اوکنه طوروب دیگرینک مرقوم لوحچینک قارشوسنه یکدیکی و اوصرحده برشیرلر اولدیغنی بیسان ایتکده استطافاً مضبوط بولتان افاده سنک قرائنده مرقوم لوحی کندوسنک چراغی اولوب شهری اون ایکی بیجی لیرا وریر ایدوکنی و اوطه ده یا تمقده ایکن مرقوم لوحچینک یتاغنه کلهرک وبرایله بوغازنی صیقه رق دیگر ایسله ده فروخت ایش اولدینی اینکلرک آتانی اولوب اکسیک و برمش و کندوسنک ده قوشاغی آرمه نه قویمش ایدوکی التمش درت فرانسر لیراسنی آرامغه باشلامسیله و کندوسی هر نه قدر یایمه طوقونه دیو برچوق رجاده بولمش ایسده اصفا ایتامسیله یصدینی التنده بولتان بیجانی آهرق کندینی تخلیص ایتک ایچون بیلمدیکی محلسندن اوردیغنی ومرقوم لوحی یتاغنه کیدوب کندوسیده یا تمغله مرقومک تکرار یانه کلهرک یارمسی آرامغه باشلادیغنده ینه بیجاغیه راست کلان یرندن برقاچ دفعه دها اوردیغنی سولش ایدوکی اخطار ونه دیه چکی استفسار اولندقدده اولوقت کندوسنده اولمادیغندن نه سولدیکی بیلمدیکی و اوطه لرینه دخول ایدن اشخاص مجهول ه لی طایمیدینی وکیجه یاندقلری زمان قیونی قیامسی لزومی مرقوم لوحی به اخطار ایش ایسده قیایوب قیامدیغنی بیلمدیکی سولیدی .

علی هذا ۱۵ کانون اول سنه ۳۲۳ تاریخی ضابطه عدلیه تقریری ایله مقتول ومتممک معاینه لرینی حاوی حطب راپورلری قرائت ایتدیرلدی .

تو بخاری معرفتیه متهم مرقوم ایله وکیلته اخطارات لازمه قانونیه ایشا قلندقدن سوکره هیئت اتهامیه مضطبه سیله اتهامنامه ضبط کاتی شفیق افندی طرفندن قرائت اولندی .

مذکور مضطبه ده مظنون علیه غوسپودین پترو نک لوحی بی جرح و قتل ایش اولمسندن طولانی اتهامنه اوراق تحقیقه ده محرر دلائل وامارات کافی کورلش وحرکتی قانون جزانک یوز تمش دردنجی ماده سی حکمی مستلزم افعال جنایتیه دن بولمش اولدیغندن بالبحث جنایتله اتهامه قرار ویرلدیکی محرر واتهامنامه ده دخی مرقومک من غیر تعدد قتل جنایتنک فاعلی بولغله اتهام ایلدیکی مسطررر .

اتهامنامه نک خلاصه سی جانب ریاستندن لسان ترجمانی واسطه سیله متهم مرقومه تفهیم وتوضیح ومعاون مومی الیه طرفندن دخی دعوانک تشریح اولغنی معقب عند المجاوبه لوحی بی کندوسی جرح و قتل ایتدیکی ووقعه کیجه سی اوطه ده یا تمقده لر ایکن ورود ایدن ایکی شخص مجهولدن بریسنک کندی اوکنه طوروب دیگرینک مرقوم لوحچینک قارشوسنه یکدیکی و اوصرحده برشیرلر اولدیغنی بیسان ایتکده استطافاً مضبوط بولتان افاده سنک قرائنده مرقوم لوحی کندوسنک چراغی اولوب شهری اون ایکی بیجی لیرا وریر ایدوکنی و اوطه ده یا تمقده ایکن مرقوم لوحچینک یتاغنه کلهرک وبرایله بوغازنی صیقه رق دیگر ایسله ده فروخت ایش اولدینی اینکلرک آتانی اولوب اکسیک و برمش و کندوسنک ده قوشاغی آرمه نه قویمش ایدوکی التمش درت فرانسر لیراسنی آرامغه باشلامسیله و کندوسی هر نه قدر یایمه طوقونه دیو برچوق رجاده بولمش ایسده اصفا ایتامسیله یصدینی التنده بولتان بیجانی آهرق کندینی تخلیص ایتک ایچون بیلمدیکی محلسندن اوردیغنی ومرقوم لوحی یتاغنه کیدوب کندوسیده یا تمغله مرقومک تکرار یانه کلهرک یارمسی آرامغه باشلادیغنده ینه بیجاغیه راست کلان یرندن برقاچ دفعه دها اوردیغنی سولش ایدوکی اخطار ونه دیه چکی استفسار اولندقدده اولوقت کندوسنده اولمادیغندن نه سولدیکی بیلمدیکی و اوطه لرینه دخول ایدن اشخاص مجهول ه لی طایمیدینی وکیجه یاندقلری زمان قیونی قیامسی لزومی مرقوم لوحی به اخطار ایش ایسده قیایوب قیامدیغنی بیلمدیکی سولیدی .

تقریرده ۳۲۳ سنه سی کانون اولنک بشنجی

اوزرنده بریجی سانیتمترو طولنده سطحی برعدد جرحک اون سانیتمترو التنده و برسانیتمترو طولنده کذا سطحی دیگر برعدد جرح وصول بوکری اوزرنده بریجی سانیتمترو طولنده سطحی دیگر برعدد جرح وینه ظهیرینک صول جهت سکرنجی مسافه بین الاضلاعیه اوزرنده برسانیتمترو طولنده سطحی دیگر برعدد جرح وینه برآلت قاطعه ایله حاصل صاغ الی باش یارمینی برنجی سلامسی قدامنده سطحی برعدد جرح وراح الیدی حافه وحشیه سی اوزرنده عقی عضلاته قدر نافذ دیگر برعدد جرح وینه برآلت قاطعه اوچیه حصوله کلش صول قوی ساعدینک نهایت سفلیسی خلفنده اوچ سانیتمترو طولنده طولانی دیگر برعدد جرح وینه مذکور ساعدک نهایت سفلیسی قدامنده وعین خذاده بریجی سانیتمترو طولنده دیگر برعدد جرح بولنوب آلت قاطعه اوچنک بین الزد والکبره دخول ایدرک قدامدن خروج ایلدیکی ومرقومک سالف الذکر صدرینک صاغ ناحیه شیه سیله ناحیه قطیه سنده کی جروح نافذه ده ورید وشریان رؤی ایتک وصول ناحیه ابطیه سنه مصادف جرحه نافذ دخی قوس شریان آورطینک جرح وقطع اولغنیله جوف صدره سیلان ایدن دمدن یعنی سیلان دم داخلیدن متأثراً ومعقباً وفات ایلدیکنک اکلاشلدینی وایکنجی راپورده مرقوم غوسپودین پترو نک اثر ضرب اولهرق عتقنک صول جهت اعلامی اوزرنده صغیر برعدد صیریق وفک اسفلنک و یوزینک صول جهتلی اوزرنده دیگر ایک عدد صغیر صیریق بولندیغنی ومذکور بره وصیریه لرک بالتداوی سکر کونده سکسان غروش اجرته التیام ایلدیکنک منضم اولدینی از باب قلمشدر .

(مابعدی کله جک نسخه یه)

رامن افندیکنک روسونک خانه سنه حق دخولی اولمادیغنی حالده کیردیکی ثابت اولدیغندن بش کون مدته حبسنه واون بشلک جزای آلمسنه جیل وعلی ونظمینک مصطفی ایله ابراهیمی ضرب وجرح ایتدکاری ثابت اولدیغندن اوتر کون مدته حبسلرینه ایلیمانک نزدنده مستخدم بولندیغنی علی اوستمک دکاندن قوندره سرقت ایتدیکی ثابت اولدیغندن التی ماه مدته حبسنه لیغورک محله آرمسند سلاح آتدینی ثابت اولدیغندن اوچ کون حبسیله برابر بش بشلک جزایه نقدی آلمسنه

حسنك بليده چاوشى حسين افندى يى ضرب
ايتديكى ثابت اولديغندن برهفته مدتله حبسنه
هدايتك محمدى ضرب ايتديكى ثابت اولديغندن
برآتون آتوب مضروبه ويرلسنه

اسماعيلك احمد لطفى يى ضرب واطاله لسان
ايتديكى ثابت اولديغندن اون كون مدتله حبسنه
خليل افنديك آنيقه نك باغچه سنه كيرديكى ثابت
اولديغندن بش كون مدتله حبسنه

لفترك فوجيسى سرقت ايتديكى ثابت اولان
ديمتريك اوچ ماه مدتله حبسنه وختام مدت جزائيه سنه
ضابطه جه كفالتله ربطنه

عبد السلامك عبد الغفارى جرح ايتديكى ثابت
اولديغندن برهفته مدتله حبسنه

مارقوبك سليمك دكانندن بانطالون سرقت ايتديكى
ثابت اولديغندن محكمه جه سابقه سى اولديغنى جهتله
التي ماه مدتله حبسنه

آورام ايله سلتانونك يوده يه اطاله لسان ايله برابر
مرقومك جامنى قيردقلى ثابت اولديغندن برر آتون
جزاى نقدى آلمسنه

بخورك اچقه سنى سرقت ايتديكى ثابت اولان
داويدك اوچ ماه مدتله حبسنه وختام مدت جزائيه سنه
ضابطه جه كفالتله ربطنه

عليك محله آره سنه سلاح آتديغنى ثابت اولديغندن
بش بشلك جزاى نقدى آلمسنه

رفائيلك واغوستينك محله آره سنه سلاح
آتدقلى ثابت اولديغندن يكرمى درت ساعت مدتله
حبسرينه و برر بشلك جزاى نقدى آلمسنه بك اوغلى
بدایت محكمه سى جزا دائره سنجه قرار ويرلمشدر .

مُجَامَلَاتُ اَنْتِبَاهِيَّة

قوجحصار قضاسى بدایت محكمه سى اعضاسندن
مستنطق بكر صدق افندى ايله فاضل و اعضاى
سابقه دن رضا وباش كاتب سابق على رضا ومستنطق
معاون سابق اسماعيل ومدعى عمومى معاونى وكيللى
ملازم اسماعيل و رجب و پوليس برهان افنديلر ايله
رجب چاوش طرفلرندن برخيلى اعلامات جزائيه نك
مروزمه اوغرا دلينى انقره وقونيه ولايتلىرى
عدليه مفتشلىكندن وارد اولان اوراق تحقيقيه
محتويانندن اكلا شامسنه مبنى مومى اليهمك محاكمه
الته آلملرينه عدليه نظارت جليله سندن مأذونيت ويريله رك
محله تبليغات مقتضيه اجرا ايدلمشدر .

اِخْلَافَات

در سعادت مبنایت محكمه سنه :

اوچ يوز يكرمى اوچ سنه سى تموزينك اونجى
صالى كوني صحراى جديدده عاصم بك افنديك كوشكى
باغچه سنه كى متروك قيودن نغشى چيقاريلان حسين بابانك
كيفيت اتلافندن طولاني متهم اولوب حال فرارده
بولنان اوزون بويلى ، آرزارى بيقلى ، قره قاشلى ،
قورى صارى يوزلى ، آچيق مائى كوزلى ، اورته وجودلى
تخمينا يكرمى التي ياشلرند ماطلى باغچوان ابراهيم
بن طالب الله ايديله مامش اولديغندن قانونه اطاعتله
محكمه يه كلمى ايجون تاريخندن اعتباراً جانب رياستدن
كندوسنه مجدداً اون كون مهل اعطا قلمشدر مهل
معين ظرفنده مرقوم محكمه يه كماديكى حالده قانونه
اطاعت ايتماش نظريه باقيه رق حقوق مدنيه دن
اسقاط قلنه جنى واموانك حيز الله آله جنى
وبوصرده بركونه ادعايه حق اوله ميه جنى وبولنديغى
محلى بيلسلك خبر ويرمكه وبالجمله ضابطه عدليه
مأمورلرينك كندوسنى طومغه مجبور بولندقلى كى
معاملات حيزيه حقنده دخى مدعى عمومى كمادى تبليغات
مقتضيه اجرا ايدليكى جهتله اصول محاكمات جزائيه
قانوننك اوچ يوز يتمش برنجى واوچ يوز يتمش ايكنجى
ماده لرندن استنباط اولنان احكامه توفيقاً اشبوقرارنامه
بالتنظيم اعلان اولنور .

در سعادت اعلامات نظاميه اجرا دائره سنه :

شفيق بكك باعلام نظامى على بكه اولان دينندن
طولاني مديون مومى اليهك والده سى فاطمه زهرا خانمندن
بالانتقال حيز الله آتدقلى اولان معجونجى قيرنده
قوروق محمود محله سنه كوچوك حمام جاده سنه كائى
تخمينا درت يوز آرشون عرصه اوزرينه مبنى اخشاب
وايكى قات اوله رق اوز بش اوطة وتخمينا بيك درت يوز
اللى آرشون باغچه و برقوي يى حاوى ۸۸ سكر نومرولو
برباب خانه ده كى صرف ملك محل ايله مذكور خانه يه
جارى نصف ماصوره ماء لذيك يكرمى درت سهم
اعتباريله اوچر حصه دن برر بحق حصه لرينك تاريخ
اعلانن اعتباراً اون بش كون صكره بالمزايده فروخته
تشبت اولنه جنى در سعادت اعلامات نظاميه اجرا
دائره سندن اعلان اولنور .

ارتين ازناووريان افنديك ميساق زاده قره بت
افندى ذمتده محكوم به آله جنى اولان مبالغك تأمين
استيفاسى ايجون مومى اليه قره بت افنديك عهدده سنه
اولوب حيز الله آتدقلى اولان اينه بك محله سنه
يكى قيو جاده سنه كائى وتخمينا يوز آرشون باغچه
وبرقوي وتخمينا آتمش ارشون عرصه اوزرينه مبنى

بر اوطة يى حاوى وتخمينا ايكى يوز قرق آرشون عرصه
اوزرينه مبنى اخشاب اون ايكى نومرولى بر باب ميخانه
ايله كاتب قاسم محله سنه فابريقه زقاغنده كائى مقدما
ميخانه اليوم تخميناً اوتوز آرشونن عبارت يدى
نومرولى بر قطعه عرصه ده مستقر ميخانه كد كنك
يوز يكرمى سهم اعتباريله قرق التي بحق سهم يارم پول
حصه سنك بش يوز اللى ايكى بيك طقوز يوز التمش سهم
ترتيبيله يوز اللى سكر بيك سكر يوز سكرسان سهمك
تاريخ اعلانن اعتباراً اون بش كون صكره بالمزايده
فروخته تشبت اولنه جنى در سعادت اعلامات نظاميه
اجرا دائره سنه اعلان اولنور .

ايوبده قورى قواق جاده سنه نومروسز دكانده
مقيم شكرجى اصنافندن صادق اغانك فائق افندى يه
اولان دينندن طولاني حيز الله آتدقلى ايكى يكرمى بر
قلم مختلف الجنس رچلارى اون كون صكره يعنى
شهر حال رومينك يكرمى طقوزنجى بازار كوني ساعت
درت راده لرند مذكور دكانده بالمزايده فروخت
اولنه جغسندن طالب اولانلرك يوم مذكورده دكان
پيشكاهنده حاضر بولنلرى در سعادت اعلامات نظاميه
اجرا دائره سندن اعلان اولنور .

مقابلہ بدایت محكمه سى جزا دائره سنه :

بيك اوچ يوز يكرمى اوچ سنه سى مارتنك يكرمى
التنجى صالى كيجه سى چتالجه سنجاغك جلب
قریه سنه مقيم بقال دمو اوغلى يانينك بقال دكاننك
كليدينى قيره رق بالدخول اچقه سنى سرقت ايلدكلى
ادعايله متهم اولان قريه مذكورلى زراعندن يماندى
ولد دونجو ايله اشكالى غير مضبوط بولنان اون سكر
ياشده سوقراط ولد قسطه دن مرقوم سوقراط
در دست ايديله مامش اولديغندن تاريخ اعلانن اعتباراً
جانب رياستدن كندوسنه مجدداً اون كون مهل
ويرلمشدر مهل معين ظرفنده مرقوم محكمه يه كماديكى
حالده قانونه اطاعت ايتماش نظريه باقيه رق حقوق
مدنيه دن اسقاط قلنه جنى وعليه نده دعوايه قيام
اوله جنى وبوصرده بركونه ادعايه حق اوله ميه جنى
واموانك حيز الله آله جنى وبالجمله ضابطه عدليه
مأمورلرينك كندوسنى طومغه مجبور بولندقلى كى
معاملات حيزيه حقنده دخى مدعى عمومى ماولدكنه تبليغات
مقتضيه اجرا ايدليكى جهتله اصول محاكمات جزائيه
قانوننك اوچ يوز يتمش برنجى واوچ يوز يتمش ايكنجى
ماده لرندن استنباط اولنان احكامه توفيقاً اشبوقرارنامه
بالتنظيم اعلان اولنور .

مطبوعه عثمانیه